
সদালাপী অসদালাপ

অর্ণব

‘আজকের বাস্তবতা হলো - বাঙালীদের কোন এপার-ওপার নেই - আছে একটাই দেশ - তা হলো বাংলাদেশ। সকল বাঙালীর ভাষা এবং সংস্কৃতির একটাই কেন্দ্র - তা হলো ঢাকা। পৃথিবীর আরো দশটা দেশে যেভাবে বাংলাভাষীরা বাস করে তেমনি ভারতেও বাস করে। এই বিষয়ে যতদিন মতভেদ থাকবে - ততদিন বাংলাভাষা ও সংস্কৃতির ক্ষতি।’

- আ.স.ম. জিয়াউদ্দিন, প্রাক্তন সম্পাদক, সদালাপ

মুক্তমনার সাথে আমার সম্পর্ক নয় নয় করে এক বছর হতে চলল। ইতিমধ্যে আরো কয়েকটি বাংলাদেশি ওয়েবসাইটের সাথে আমার পরিচয় ঘটে। কিন্তু নিজের মানবতাবাদী যুক্তিবাদী মননের সঙ্গে একমাত্র খাপ খেয়েছিল মুক্তমনাই। তাই সেগুলিতে লেখালিখি পাঠাবার কথা কখনই ভাবিনি। এরকমই একটি সাইট সদালাপ। সম্প্রতি সদালাপের সম্পাদকীয় বিভাগে প্রকাশিত হয়েছে তার প্রাক্তন সম্পাদকের উপরোল্লিখিত বচনামৃত।

মুক্তমনায় ভারতবিরোধিতা ইতিপূর্বেও হয়েছে। তবে সেটা ভারতের সাধারণ জনগণের বিরোধিতা ছিল না, ছিল আমাদের প্রাক্তন মৌলবাদী সরকারের বিরোধিতা। তাতে সামিল হয়েছিল ভারতের গন্যমান্য বুদ্ধিজীবীরাও।

কিন্তু আজকে যে ইনকিলাবীয় কেতায় রবীন্দ্র-নজরুলের জন্মভূমিকে বিদেশ বানানো হ’ল তাতে মুক্তমনারা কি বলেন?